

**KANTONALNA UPRAVA
ZA BRANIOCE**

640

Na osnovu člana 61., a u vezi s članovima 38. i 40. Zakona o dopunskim pravima branilaca („Službene novine Srednjobosanskog kantona“, broj: 7/16 – prečišćeni tekst), Kantonalna uprava za braniocce, uz saglasnost Vlade Srednjobosanskog kantona donosi

**PRAVILNIK
O OSTVARIVANJU PRAVA
NA NOVČANU POMOĆ
ZA STAMBENO ZBRINJAVANJE BRANILACA****Član 1.
(Predmet)**

Ovim Pravilnikom o ostvarivanju prava na novčanu pomoć za stambeno zbrinjavanje branilaca (u daljnjem tekstu: Pravilnik) utvrđuju se uslovi i postupak ostvarivanja prava na novčanu pomoć za stambeno zbrinjavanje branilaca koji imaju prebivalište na području Srednjobosanskog kantona.

**Član 2.
(Pojmovi)**

Pojmovi iz člana 3. ovoga Pravilnika koriste se u skladu sa Zakonom o pravima branilaca i članova njihovih porodica Federacije Bosne i Hercegovine, Zakonom o posebnim pravima dobitnika ratnih priznanja i odlikovanja i članova njihovih porodica Federacije Bosne i Hercegovine, Zakonom o pravima demobilisanih branilaca i članova njihovih porodica Federacije Bosne i Hercegovine, i Zakonom o dopunskim pravima branilaca Srednjobosanskog kantona.

**Član 3.
(Pravo na novčanu pomoć
za stambeno zbrinjavanje)**

(1) Pravo na novčanu pomoć za stambeno zbrinjavanje ima roditelj poginulog, umrlog i nestalog branioca, supruga poginulog, umrlog i nestalog branioca, ratni vojni invalid, supruga umrlog ratnog vojnog invalida, lice odlikovano ratnim priznanjem ili odlikovanjem, supruga umrlog lica odlikovanog ratnim priznanjem ili odlikovanjem, demobilisani branilac i supruga umrlog demobilisanog branioca.

(2) Izuzetno od stava (1) ovoga člana pravo na pomoć za stambeno zbrinjavanje ima dijete branioca bez oba roditelja do navršanih 25 godina života ako se nalazi na redovnom školovanju ili do navršanih 35 godina života ako se nalazi na evidenciji Službe za zapošljavanje Srednjobosanskog kantona.

**Član 4.
(Uslovi za ostvarivanje prava)**

(1) Novčana pomoć za stambeno zbrinjavanje odobrava se kada je stambeni objekt u kojem živi lice iz člana 3. ovog Pravilnika, zbog posljedica elementarne nepogode, tako

oštećen da nije uslovan za stanovanje.

(2) Novčana pomoć za stambeno zbrinjavanje može se odobriti ukoliko je šteta zbog elementarne nepogode iz stava (1) ovoga člana nastala u tekućoj ili prethodnoj godini.

Član 5.**(Šteta zbog koje se može odobriti
novčana pomoć za stambeno zbrinjavanje)**

O šteti zbog koje se može odobriti novčana pomoć za stambeno zbrinjavanje radi se u slučaju ako je:

- a) šteta nastala zbog potresa
- b) šteta nastala zbog poplave
- c) šteta nastala zbog požara
- d) šteta nastala zbog klizišta
- e) šteta nastala zbog udara vjetra
- f) šteta nastala zbog eksplozije.

Član 6.**(Podnošenje zahtjeva)**

Zahtjev za novčanu pomoć za stambeno zbrinjavanje podnosi se Kantonalnoj upravi za braniocce (u daljnjem tekstu: Kantonalna uprava).

Član 7.**(Dokumentacija koja se predaje uz zahtjev)**

(1) Zavisno o kategoriji u kojoj podnosilac zahtjeva za novčanu pomoć za stambeno zbrinjavanje pripada, uz zahtjev se dostavlja dokumentacija, kako slijedi:

- a) roditelj poginulog, umrlog i nestalog branioca dostavlja:
 - 1) potvrdu / uvjerenje o prebivalištu podnosioca zahtjeva (koja nije starija od 60 dana, original)
 - 2) potvrdu / uvjerenje općinske službe nadležne za braniocce o statusu člana porodice poginulog, umrlog i nestalog branioca (koja nije starija od 60 dana, original ili ovjerena kopija)
 - 3) kućnu listu (koja nije starija od 60 dana, original)
 - 4) zapisnik nadležne općinske službe o elementarnoj nepogodi i procjeni nastale štete (koji nije stariji od šest mjeseci, original ili ovjerena kopija)
 - 5) dokaz o vlasništvu kuće ili stana – zemljišno-knjižni izvod ili vlasnički list (koji nije stariji od 60 dana, original ili ovjerena kopija)
 - 6) minimalno pet različitih fotografija, A-4 formata, u boji, koje prikazuju vanjski izgled kuće ili stana, kao i izgled prostora koji zbog elementarne nepogode nije uslovan za stanovanje
 - 7) potvrdu banke, s brojem tekućeg računa podnosioca zahtjeva (koja nije starija od 60 dana, original ili ovjerena kopija)
- b) ratni vojni invalid dostavlja:
 - 1) potvrdu / uvjerenje o prebivalištu (koja nije starija od 60 dana, original)
 - 2) potvrdu / uvjerenje nadležne općinske službe o statusu ratnog vojnog invalida (koja nije starija od 60 dana, original ili ovjerena kopija),
 - 3) kućnu listu (koja nije starija od 60 dana, original)
 - 4) zapisnik nadležne općinske službe o elementarnoj nepogodi i procjeni nastale štete (koji nije stariji od šest mjeseci, original ili ovjerena kopija)

5) dokaz o vlasništvu kuće ili stana, zemljišno-knjižni izvod ili vlasnički list (koji nije stariji od 60 dana, original ili ovjerena kopija)

6) minimalno pet različitih fotografija, A-4 formata, u boji, koje prikazuju vanjski izgled kuće ili stana, kao i izgled prostora koji zbog elementarne nepogode nije uslovan za stanovanje

7) potvrdu banke, s brojem tekućeg računa podnosioca zahtjeva (koja nije starija od 60 dana, original ili ovjerena kopija)

c) demobilisani branilac dostavlja:

1) potvrdu / uvjerenje o prebivalištu (koja nije starija od 60 dana, original)

2) potvrdu / uvjerenje nadležne Grupe za pitanje evidencija iz oblasti vojne obaveze, o pripadnosti Oružanim snagama, za demobilisanog branioca (koja nije starija od 60 dana, original ili ovjerena kopija)

3) kućnu listu (koja nije starija od 60 dana, original)

4) zapisnik nadležne općinske službe o elementarnoj nepogodi i procjeni nastale štete (ne stariji od šest mjeseci, original ili ovjerena kopija)

5) dokaz o vlasništvu kuće ili stana, zemljišno-knjižni izvod ili vlasnički list (koji nije stariji od 60 dana, original ili ovjerena kopija)

6) minimalno pet različitih fotografija, A-4 formata, u boji, koje prikazuju vanjski izgled kuće ili stana, kao i izgled prostora koji zbog elementarne nepogode nije uslovan za stanovanje

7) potvrdu banke, s brojem tekućeg računa podnosioca zahtjeva (koja nije starija od 60 dana, original ili ovjerena kopija)

d) dijete branioca bez oba roditelja, supruga poginulog, umrlog i nestalog branioca, supruga umrlog ratnog vojnog invalida, supruga umrlog demobilisanog branioca dostavlja:

1) potvrdu / uvjerenje o prebivalištu (koja nije starija od 60 dana, original)

2) izvod iz matične knjige umrlih za oca i majku (original, dostavlja dijete branioca bez oba roditelja)

3) potvrdu / uvjerenje nadležne općinske službe o statusu člana porodice poginulog, umrlog i nestalog branioca (koja nije starija od 60 dana, original ili ovjerena kopija, dostavlja supruga poginulog, umrlog i nestalog branioca i dijete poginulog, umrlog i nestalog branioca bez oba roditelja)

4) potvrdu/uvjerenje nadležne općinske službe o statusu člana porodice umrlog ratnog vojnog invalida (koja nije starija od 60 dana, original ili ovjerena kopija, dostavlja supruga umrlog ratnog vojnog invalida i dijete umrlog ratnog vojnog invalida bez oba roditelja)

5) potvrdu / uvjerenje o pripadnosti Oružanim snagama, za umrlog demobilisanog branioca (koja nije starija od 60 dana, original ili ovjerena kopija, dostavlja supruga umrlog demobilisanog branioca i dijete umrlog demobilisanog branioca bez oba roditelja)

6) kućnu listu (koja nije starija od 60 dana, original)

7) zapisnik nadležne općinske službe o elementarnoj nepogodi i procjeni nastale štete (koji nije stariji od šest mjeseci, original ili ovjerena kopija)

8) dokaz o vlasništvu kuće ili stana – zemljišno-knjižni izvod ili vlasnički list (koji nije stariji od 60 dana, original ili

ovjerena kopija)

9) minimalno pet različitih fotografija, A-4 formata, u boji, koje prikazuju vanjski izgled kuće ili stana, kao i izgled prostora koji zbog elementarne nepogode nije uslovan za stanovanje

10) potvrdu banke, s brojem tekućeg računa podnosioca zahtjeva (koja nije starija od 60 dana, original ili ovjerena kopija).

(2) Uz dokumentaciju iz stava (1) ovog člana državni službenik, koji vodi upravni postupak, može tražiti i drugu dokumentaciju koja je potrebna za utvrđivanje pravno relevantnih činjenica neophodnih za donošenje rješenja o ostvarivanju prava na pomoć u stambenom zbrinjavanju.

(3) Ako iz prikupljene dokumentacije iz stavova (1) i (2) ovog člana nije moguće utvrditi činjenično stanje o nastaloj šteti i njenoj visini, državni službenik koji vodi upravni postupak može predložiti formiranje posebne komisije koja će izvršiti uviđaj na mjestu nastanka štete.

(4) Komisiju iz stava (3) ovoga člana formira direktor.

(5) O izvršenom uviđaju komisija iz stava (3) ovog člana sastavlja zapisnik u kojem navodi sve činjenice neophodne za donošenje rješenja o ostvarivanju prava na pomoć u stambenom zbrinjavanju.

Član 8.

(Pravo prvenstva u slučaju elementarne nepogode širih razmjera)

(1) Ako je nastupila elementarna nepogoda širih razmjera te su raspoloživa budžetska sredstva u tekućoj godini nedovoljna da bi svi opravdani zahtjevi za novčanu pomoć za stambeno zbrinjavanje bili pozitivno riješeni, utvrđuje se prvenstvo za dodjelu novčane pomoći kako slijedi:

a) dijete branilaca bez oba roditelja i ratni vojni invalid I grupe invalidnosti

b) porodica s dva poginula, umrla i nestala branioca i više poginulih, umrlih i nestalih branilaca, te ratni vojni invalid II grupe invalidnosti

c) porodica poginulog, umrlog i nestalog branioca te ratni vojni invalid III, IV i V grupe invalidnosti

d) ratni vojni invalid od VI do X grupe invalidnosti i supruga umrlog ratnog vojnog invalida

e) demobilisani branilac i supruga umrlog demobilisanog branioca.

(2) Pravo prvenstva na pomoć u stambenom zbrinjavanju u okviru branilačke kategorije kojoj pripada ima lice odlikovano ratnim priznanjem ili odlikovanjem.

Član 9.

(Donošenje rješenja)

U povodu zahtjeva za ostvarivanje prava na novčanu pomoć za stambeno zbrinjavanje, kantonalni organ nadležan za braniocce vodi prvostepeni postupak i donosi rješenje u skladu s odredbama Zakona o upravnom postupku Federacije Bosne i Hercegovine.

Član 10.

(Postupak u povodu žalbe)

Na rješenje o zahtjevu za ostvarivanje prava na novčanu pomoć za stambeno zbrinjavanje nije dopuštena žalba, ali se

može pokrenuti upravni spor pred nadležnim kantonalnim sudom.

Član 11.

(Iznos pomoći)

Novčana pomoć za stambeno zbrinjavanje odobrava se u visini od 50 % vrijednosti nastale štete, a najviše do iznosa od 10.000,00 KM.

Član 12.

(Ponovno ostvarivanje prava na pomoć)

Licu iz člana 3. ovog Pravilnika koje je ostvarilo novčanu pomoć za stambeno zbrinjavanje može se ponovo odobriti novčana pomoć samo u slučaju ako nastupi nova elementarna nepogoda u kojoj je stambeni objekt u kojem živi tako oštećen da nije uslovan za stanovanje.

Član 13.

(Osiguravanje finansijskih sredstava)

Finansijska sredstva za ostvarivanje prava na novčanu pomoć za stambeno zbrinjavanje osiguravaju se u Budžetu Srednjobosanskog kantona.

Član 14.

(Uplata finansijskih sredstava)

Odobrena novčana pomoć za stambeno zbrinjavanje uplaćuje se na tekući račun podnosioca zahtjeva.

Član 15.

(Upotreba ličnih podataka)

U postupku ostvarivanja prava na novčanu pomoć za stambeno zbrinjavanje kantonalni organ uprave nadležan za branioca, kao kontrolor u smislu odredbi Zakona o zaštiti ličnih podataka Bosne i Hercegovine, vrši obradu ličnih podataka neophodnih za utvrđivanje identiteta podnosioca zahtjeva za stambeno zbrinjavanje, uključujući jedinstveni matični broj građana.

Član 16.

(Troškovi postupka)

(1) Troškove postupka u vezi s ostvarivanjem prava na novčanu pomoć za stambeno zbrinjavanje, snosi organ koji vodi postupak.

(2) U postupku ostvarivanja prava na novčanu pomoć za stambeno zbrinjavanje ne plaća se taksa.

(3) Na novčana primanja u vezi ostvarivanja prava na pomoć u stambenom zbrinjavanju ne plaćaju se porezi i doprinosi.

Član 17.

(Ravnopravnost spolova)

Sve imenice koje se odnose na branioca, suprugu branioca ili dijete branioca upotrijebljene u ovom Pravilniku samo u muškom ili ženskom rodu, odnose se na oba spola.

Član 18.

(Primjena propisa)

Ovaj Pravilnik primjenjivat će se na zahtjeve za ostvarivanje prava na novčanu pomoć za stambeno zbrinjavanje koji su

primljeni od 1. maja 2024. godine.

Član 19.

(Prestanak primjene)

Ovim Pravilnikom zamjenjuje se Pravilnik o ostvarivanju prava na stambeno zbrinjavanje branilaca („Službene novine Srednjobosanskog kantona“, broj 6/16).

Član 20.

(Stupanje na snagu)

Ovaj Pravilnik stupa na snagu narednog dana od dana objavljivanja u „Službenim novinama Srednjobosanskog kantona“.

Broj: 11-02-1007/24

20. februara 2024.

Travnik

DIREKTOR

Esad Crnica, s. r.

Na ovaj Pravilnik saglasnost je dala Vlada Srednjobosanskog kantona na 37. sjednici, održanoj 14. marta 2024. godine, svojom Odlukom o davanju saglasnosti, broj 01-11.7-2109/24 od 14. marta 2024. godine.